



Sesida dals

Communitgà ils

Protocol nr.

13 da december 2016

14 da december 2016

1098

Incumbensa Caluori

concernent la finanziaziun da la scola en l'ospital

Resposta da la regenza

Sa basond sin ils art. 11 e 69 da la lescha davart las scolas popularas dal chantun Grischun dals 21 da mars 2012 (lescha da scola; DG 421.000) è la cumpetenzza per l'instrucziun da scolaras e scolars da la scola regulara, ch'èn malsauns u che han già in accident, chausa dals purtaders da scola respectivs da lur vischnanca da domicil. Uschia vegn applitgà l'art. 6 da l'ordinaziun tar la lescha da scola dals 25 da settember 2012 (ordinaziun da scola; DG 421.010) che premetta ch'il purtader da scola cumpetent dettia ina incumbensa er per l'instrucziun temporara en ina scola d'ospital. Tenor l'art. 16 da la lescha da scola dovra la scola d'ospital ultra da quai ina permissiun da la regenza, perquai ch'i sa tracta qua d'ina scola privata. Il medem mument ston tenor l'art. 3 da l'ordinaziun da scola contracts che reglan la collavuraziun tranter purtaders da scola privats (sco la scola en l'ospital) e publics vegnir permess dal departament.

Ils custs cumplains da la scola d'ospital en l'ospital chantunal importavan l'onn 2014 circa 117 000 francs. Ils custs supplementars per ils purtaders da scola che vegnan inditgads en l'incumbensa cun 150 000 francs n'èn betg chapibels per la regenza, gist uschè pauc sco la tariffa da 125 francs per di da scola (da 1061 dis da scola l'onn 2014 resulta ina tariffa dals custs cumplains da ca. 110 francs per di).

Ina survista da l'uffizi per la scola populara ed il sport davart la scola d'ospital da l'ospital chantunal dal Grischun per ils onns 2013 fin 2015 mussa che 96 % dad en media 200 uffants per onn han frequentà la scola d'ospital tranter 1 e 15 dis da scola (82 % dad els tranter 1 e 4 dis da scola). Mo 4 % (en media 8 uffants per onn, 6 da quels or dal chantun) èn vegnids instruids durant dapli che 15 dis da scola en la scola en l'ospital. Pia sa limitescha il basegn d'ina scolaziun d'ospital ad en media 6 uffants per onn. En cas da malsognas sco grippas u accidents pli pitschens na dat per regla nagin purtader da scola scola. Cuntrari n'exista er da vart da las personas responsablas per l'educaziun strusch in'aspectativa en quest regard. Tenor l'art. 28

da la lescha da scola pon ils purtaders da scola plinavant dar congedi a las scholaras ed als scolars durant maximalmain 15 dis da scola per onn da scola. Durant quest temp n'ha savens er lieu nagina instrucziun organisada e finanziada tras ils purtaders da scola. Perquai n'exista per regla er en cas da dimoras a l'ospital d'ina durada da fin a 15 dis nagina necessitad d'estrucziun.

Perquai che las prestaziuns dals ospitals e da las clinics dal chantun Turihg cun lur purschidas spezialisadas vegnan duvradas da pazientas e pazients da grondas parts da la Svizra tudestga èsi chapibel ch'il chantun Turihg ha relaschè in'ordinaziun davart l'estrucziun a l'ospital. In intschess da questa grondezza n'è betg avant maun en il chantun Grischnun. En in chantun cumparegliabel sco il chantun Son Gagl èn avant maun las medemas basas legalas sco actualmain en la lescha da scola dal Grischnun (scola d'ospital sco scola privata, finanziaziun tras il purtader da scola responsabel).

Las premissas per in basa legala sco pretendida en l'incumbensa (decisiun da scolaziun tras l'ospital empè da tras il purtader da scola, scolaziun a partir dal 5. di e repartiziun d'ina mesadad dals custs cumplains a las vischnancas e da l'autra mesadad al chantun) chaschunan grondas differenzas concernent las cumpetenzas da decider dals purtaders da scola tenor la lescha da scola (da princip pussaivladad da conceder in congedi da 15 dis per il sport e per autras chaussas, percurter nagina cumpetenza da decider en cas d'ina dimora a l'ospital) ed in tractament inegal da las scholaras e dals scolars (absenzas da la scola fin a 15 dis èn pussaivlas, cun excepziun da la dimora a l'ospital). Ultra da quai stuessan ils purtaders da scola ed il chantun surpigliar ils custs cumplains senza pudair er decider en chaussa. En il senn d'in tractament egal avessan ultra da quai – sper l'ospital chantunal – er ils ospitals regionalis la pussaivladad ed in stimol correspondent d'endrizzar ina scola d'ospital, er sch'il basegn è pitschen, perquai che la ristga finanziala sa chattass a 100 % tar las vischnancas e tar il chantun (repartiziun mez a mez dals custs cumplains).

I existan gia basas legalas cleras ed unitaras per la finanziaziun. La regenza propona perquai da refusar l'incumbensa.



En num da la regenza

Il president:

Il chancelier:

Dr. Chr. Rathgeb

Dr. C. Riesen